

„ mit einen Bischoppe von Menke Hatto genant/
 „ unde ð we wu was an dem Mordere bewand/
 „ dat he Bischoppes Namen hadde entphangen/
 „ unde dat he were up einen Galgen ghehangen/
 „ darane were ðme twar noch rechter ghelungen/
 „ denne dat he to Godes Eren hedde Misse ghesungen/
 „ de wile he mans lacht an sienen Hertzen droch/
 Koniglicker Gifft ghelovede he ðme ghenoch/
 up dat he darup fullencklich dachte /
 wu he mit Borretnisse ðn von den Daghen brechte/
 von den Sassen-Hertoghe Hinrike/
 de Bischup dede deme Slangen ghelicke/
 de grote Vergifftnisse plecht to draghende/
 unde ock sine Tunghen scherpet to schadende/
 Kodes Goldes nam he ein grot Gherwichte/
 unde vor eins Goldsmedes Anghesichte/
 leit he ein schone Hals-Gold daraf macken//
 unde do dat mortlicke Wapen was geschapen/
 dat he doch na sienen Willen nich bevande /
 sinen Boden he na dem Hertoghen sande/
 ghelik as he et ðme to groten Eren dede/
 dat he ðn to sinen Hus to Wertschup bede.
 Wante aver God neyn Rad verborgen ist/
 to seynde des Goldsmedes meisterlicke List.
 Ging de Bischup to des Goldsmedes Hemoden/
 He dachte des ock vil wol behoden/
 dat sin Rad nemanten to wettende qveme/
 unde so he dat Werck an de Hande neme/
 he besach ðt unde beghunde suchen sere/
 unde dode Goldsmed vraghede wat ðme were/
 he antwortete ðme sunder des Harten hode/
 unde sprack: Met des groten Hinrikes Blode
 schall men noch düt schone Halsgold netten.
 De Goldschmed en dorste seck ock nicht vormeten/
 dat he den Bischup daraf vraghede mere/
 wenn he dachte stille dat et beter were /
 dat hen den Mord den Hertoghe lete verstan/
 wente he hadde von sienen Doghenden groten Wan/

dat